

沁水縣志

第五冊

沁水縣志

第五冊

列女下

上卷係舊志此
卷係新採入者

孝婦

李氏郭庄里楊升書妻姑病在牀奉事湯藥惟謹夜不解衣者八越月常焚香默禱願以身代

成氏端氏中賈東生妻夫早歿氏孝事孀姑晨昏罔懈歷二十餘年如一日雖姑性素嚴而曲意承志每能得其歡心田氏端氏中劉石廣妻農家也姑得癱患症氏扶持抑搔侍養八年姑乃卒其翁劉進榮亦年邁氏每午必以甘旨奉之復恐夜不成寐預蓄甘旨晚又奉之其翁或以家貧見責氏惟婉言以勸平居自奉極苦處之晏如也鄉黨之間莫不侈爲美談

晉氏鹿路北楊生姪妻其姑雙目失明氏出入扶持十餘年

未嘗少懈姑卒翁得癱症復左右奉養不辭勞瘁

烈婦

張氏西曲里楊大亨妻于歸後琴瑟甚篤年二十七夫亡哭奠成禮有遺孤四齡託族長撫之卽日投繯以殉

趙氏武安中從九李錦林妻年二十五夫亡誓與偕亡翁姑以遺腹未生爲勸越數月生子卽殤遂絕粒嘔血而卒學憲孫旌其門曰節烈流芳

王氏崔廣基妻武生國賓女也幼讀孝經內則女訓諸書喜談古今節義事十八歲于歸越三月夫客睢卽病故及柩歸里卜葬有期矣氏於前二日自縊以殉邑令徐以舍生取義匾其門嘉慶二十年請旌建坊

張氏宣化坊張聲協妻咸豐三年二月于歸越六月夫病故

氏年一十六晝夜號泣絕粒數日捐軀以殉

譚氏富店西陳文運妻夫病誓不獨生及亡哭殮畢卽服毒救之無及時年二十八

吉氏富店西陳家讓妻賦性貞靜不苟言笑所天者亡悲不自勝越三月潛於夫柩側投繯以殉時年二十二

崔氏宣化坊張二旦妻貧無立錫日不聊生一日謂其妻曰我旦夕且死勿累汝青年可改適以逃汝活路氏卽自縊以明其志年二十四

霍氏西曲里竇小年妻夫亡氏年一十七因孀姑年老輟泣守貞數年奉事惟謹富室某聞氏賢托媒以致其意母家亦以青年爲勸氏不肯疾言厲色以彰人之過然志不可奪遂自縊而死數日面不改色

王氏武安中牛書圍妻年二十九夫亡悲號三日即服毒而卒

許氏武安中趙偉妻尙未于歸聞趙偉病故向隅日泣人不及防遂自縊死

任氏武安東孫兆元妻夫亡七日即自縊

張氏南大中王三聘妻夫亡氏年二十含殮未畢自縊以殉邑令孫以殉節完名旌其門

貞節

樊氏宣化坊李長壽妻未于歸長壽病故氏年一十九奔喪守節事姑以孝聞未幾姑亦歿撫育夫弟俾得成立以侄文錦爲嗣志堅金石歷四十年而不渝邑令孫以抱璞守貞旌其門

唐氏下梁中才秉丑妻夫亡氏年二十八矢志守貞歷四十五年

董氏固縣中寶鶴林妻夫亡氏年二十九苦志守節終身不渝卒年八十二

商氏八里北史廣梓妻夫亡氏年二十五甘淡薄歷艱辛七十三而終

呂氏武安中霍興祿妻年二十八而寡夫家寄寓河南舅姑相繼逝氏百計圖維扶三櫬返卒年七十九

馬氏鹿路北吉鳳祥妻夫亡氏年二十五上奉舅姑下訓子孫孝慈兼盡

郭氏南大東閭濟川妻夫亡氏年二十二事親撫子紡織自

給

王氏西曲里張書夏妻夫亡氏年二十七撫遺腹子以鍼紉
爲生

常氏端氏中賈聯芬妻夫亡氏年二十八教育三子長早逝
次澳奎文閣典籍三召南從九品

竇氏西曲里霍麗生妻夫亡氏年二十二守節三十六年以
侄兆豐爲嗣教養有方旋入郡庠

王氏鹿路北韓晉餘妻年二十六而寡恒恤鄰里人多德之
汪氏宣化坊王文明妻夫亡氏年二十六日勤紡織撫孤授
室未幾子媳俱亡復撫遺孫成立

成氏西曲里張書聖妻夫亡氏年二十三繼任嗣叔爲子以
養以教堅貞自守

丁氏宣化坊李楨若妻夫亡氏年二十撫遺腹子茹苦終身

柳氏土沃北李顯榮妻夫亡氏年一十九撫侄泮林爲嗣俾克成立

賈氏西曲里張來保妻年十七而孀居事姑撫子以孝以慈家庭無讎言

帥氏蒲宏東席上連妻夫亡氏年二十一撫侄得豐爲嗣教有成立

李氏宣化坊張永實妻夫亡氏年二十事孀姑撫夫弟冰操自矢始終不渝

張氏鹿路北韓敏修妻年二十二而寡懷貞勵節劬勞罔懈家道賴以成立

趙氏鹿路南李遵綢妻夫亡氏年二十八克儉克勤撫養孤子授室後卽天媳亦青年勵志復撫孤孫成立

楊氏武安西李調元妻夫亡氏年二十五喪葬盡禮摒擋一切撫養所出未成歷十餘年乃憂憤而卒

譚氏宣化坊張爾基妻妹爲夫弟爾坦妻爾基卒氏年三十爾坦卒氏妹年二十六孝事孀姑色養俱盡閨門之內無間言孀姑與爾基爾坦均卒於道光十三年數月間連遭三喪雖貧苦無資而質衣告貸喪葬克盡其禮兩寡相依冰霜互勵俱無子爾基有三女相助撫育擇配名門終身紡織以自給姊妹雙節萃於一門鄉黨莫不稱之

張氏宣化坊附生王修成妻年二十五夫亡水漿不入口者數日哀慟幾絕氏父以大義曉之乃止撫侄磐鄰爲嗣教養並至旋入邑庠苦節清操歷二十三年

李氏宣化坊曹萬芳妻夫亡氏年二十九勵節四十九年

郭氏秦村西王生菖妻年二十九夫亡子甫髫齡卽欲捐軀以殉舅姑以遺腹未生勸之乃止閱三月果生一子事舅姑撫雙丁紡織自給訓子建忠習武而遊於庠卒年七十八邑人明經陳鏞撰節孝碑

韓氏西曲里張詩鏡妻年十九夫亡奉舅姑命撫侄書帶爲嗣十餘年書帶復夭氏自傷命薄一慟幾隕舅姑多方慰解乃輟泣撫養嗣孫孝慈兼盡節操彌堅卒年七十二栗氏武安中李維藩妻年二十三夫亡姑嫜垂老子僅髫齡適侄世昌生而失恃氏撫育數載不啻己出

郭氏端氏中賈照普妻年二十五夫亡上有孀姑下有幼子仰事俯育劬勞罔懈

劉氏鹿路北韓玉鳳妻年二十九夫亡寡言笑崇節儉教子

成立苦節終身

王氏鹿路北韓起照妻年三十夫亡未幾孤亦歿復撫侄孫數十年歷盡艱辛

柳氏上閣南監生劉向泰妻年二十九夫亡持家勤儉訓誨有方子三長天昌邑武生次際昌邑庠生季福昌太學生宋氏算峪中竇家鰲妻年十六夫亡謝鉛華安粗糲冰霜之操歷久彌堅

翟氏郎壁南郭春元妻夫多病侍奉湯藥晝夜不懈夫亡氏年二十八子甫數月四壁蕭然撫孤繩武入邑庠

牛氏鹿路北霍逸文妻年二十四夫亡事老撫幼經理備至田氏西曲里竇鑑妻年二十八孀居家貧甚奉事姑嫜生事歡而死盡禮撫侄賴以成立

劉氏鹿路北趙德厚妻佐夫理家井井有條夫亡氏年二十八姑老子幼克盡孝慈

張氏上閣北姚懷珍妻年二十八夫亡誓志守節紡織資生撫子夢桃入邑庠

史氏郎壁北王三聘妻年十七夫亡慟不欲生戚族多方勸諭立嗣以承宗祧青年矢志白首完貞

張氏富店東李臨津妻年十九夫亡撫遺腹子以慰親心四十餘年家庭和睦鄉黨稱之

王氏道仁西于大志妻夫亡氏年二十三以禮自持以儉自奉始終不渝其志

王氏西曲里霍達材妻夫亡氏年二十八子女俱無近支又無可繼三十餘年兢兢孑立形影相弔

楊氏南大東閭鴻慶妻年二十五夫亡紡織度日艱苦終身
譚氏郎壁南監生崔毓梓妻年二十六夫亡撫孤授室未幾
子亦亡與媳相依以節勵節

潘氏鹿路南王有照妻年二十七夫亡茹荼食蘗處之晏如
王氏北旺東武生李文明妻夫亡氏年二十八事舅姑甚謹
言笑不苟非有大事戚族罕見其面

馬氏西曲里張嗣槐妻夫亡氏年二十三撫前室子一如己
出善理家豐儉得宜人皆賢之

栗氏秦村北李映濱妻年二十六夫亡撫侄爲嗣克勤克儉
以終其身

牛氏蒲宏東席儒品妻夫亡氏年二十九孝事姑嫜甘旨不
缺家雖小康而鍼黹無懈歷數十年如一日

趙氏鹿路南王掄元妾佐嫡理家服勞無怨夫故氏年二十九矢志守貞始終不渝

秦氏鹿路北張景元妻年二十五孀居勤儉持家撫孤成立
竇氏西曲里劉毓璨妾奉侍家長佐理中饋不敢因顏色少
假稍涉懈傲夫故氏年二十六持服明志久而彌堅

竇氏鹿路南李福洛妻年二十三夫亡撫侄爲嗣未幾病故
復撫侄子爲嗣孫操作勤勞三十餘年

劉氏秦村北毛生仁妻夫亡氏年二十五貧不自給紡織以
養翁姑子無力讀書以牧羊爲業備歷艱辛無怨言

王氏鹿路南郭增琦妻年二十五夫亡毀容自誓節操堅貞
孫氏龐庄西閭丕律妻家貧甚恒以紡織餘貲佐夫之不足
夫亡氏年一十八經理喪葬勉力成禮茹苦以終其身

商氏鹿路北張秀妻年二十三夫亡撫育孤子克儉克勤荆布之風四十年初不少易

喬氏秦村北僧生郝天祿妻夫亡氏年二十七奉姑能得歡心撫育三女俱適名門

成氏鹿路北韓起莘妻夫亡氏年一十九撫侄爲嗣教誨有方敝衣藿食處之晏如

譚氏北旺東裴增榮妻年二十九夫亡上事孀姑下撫二子俾克成立

席氏蒲宏東柳琬妻夫亡氏年二十一翁茂榮年老多病侍養十五年毫無惰色遺孤又早歿子然一身備嘗艱苦

辛氏郎壁南崔三峰妻年二十八夫亡遺子女各一俱早歿姑孀年老朝夕奉養能得歡心

都氏八里南武生趙國賓妻夫亡氏年二十七哀毀號泣聞者皆悲撫子敏行成立議叙鹽知事

王氏秦村東張懷琳妻夫亡氏年一十七事姑撫子數十年
歷盡艱辛

李氏富店東張喜鵲妻年一十七孀居上事二老各終天下撫一子俾克成立

李氏算峪東焦霞章妻年一十四孀居子早歿撫嗣孫成立紡織度日完節凜然

廉氏上閣南副貢鄭霆妻翁姑久病侍奉能得歡心妯娌和睦勤儉自持鄰里皆賢之

華氏郭庄里庠生楊鵬酢妾夫亡氏年二十三矢志撫孤歷四十年